



Aningaasaqarnikkut ingerlatsineq pillugu nalunaarut 2014.

(Aningaasaqarnermut Nunamullu Namminermt Naalakkersuisoq)

Demokraatini Naalakkersuisut isumaqatigaagut eqqarsarmata suliniarfiit pingasut aqqutigalugit inuiaqatigiit kivinneqassasut. Isaatitsinissamut tunngaviit pingasut, pisortat ingerlatsiviinik pitsanngorsaaneq kiisalu piffissaq ungasinnerusoq isigalugu tamakkiisumik eqqarsarluni sanaartornermut aningaasalersuineq.

Kisianni, isumaqarpugut oqaatsit kusanartut politikkimut ingerlanneqartumut tulluannigitsut.

Piffissaq ungasinnerusoq isigalugu sanaartornermut aningaasalersuinermi pisariaqartitani naatsorsuutigineqartut aallaaviusariaqarput. Inissaqarnerup iluani pisariaqartutut naatsorsuutigineqarpoq Nuummut nutserneq ingerlaannarumaartoq immaqalu annertusiumaartoq. Nunarsuup sinnerani taama pisoqarpoq tamannalu piareersimaffigisariaqarparput. Kisianni taamaaliorpugut?

Takuarput Naalakkersuisut sanaartorneq Nuummiit sinerissamut siammarusukkaat. Eqqarsaat ajunngikkaluarpoq suut tamarmik Nuummi pissanngitsut, piviusorli tassaavoq amerliartuinnartut Nuummut nuukkusummata.

Kissaatiginngilluinnarparput inuit sumiiffinnut aalajangersimasunut qilersornissaat.

Isumaqarpugut inuit kiffaanngissuseqartut kiffaanngissuseqassasullu namminneq toqqaanissaminnut. Aamma isumaqarpugut, inuit Nuummut nuukkusuppata taava inissianik sanaartornerup ilaani naapertuilluartumik Nuummut inissinneqartariaqartoq.

Isumaqarpugut pisortat ingerlatsiviinnik pitsanngorsaaneq isumassarsiatsialaasoq pisortaqarfinilu qarasaasiarsornerunissaq ilassilluarparput. Kisianni aamma eqqaasitsissutigerusupparput pisortat ingerlataat annertuallaarmata annertuallaartuarlutillu. Pisortat allaffissornerat kisiat pinngilarput aamma inuutissarsiornermut pisortat



qulagiisimavallaarnerat pivarpup. Isumaqarpugut pisortat inuutissarsiornermik ingerlatsinerat ullumimut naleqqiullugu kiffaanngissuseqarnerumik pisariaqalersoq.

Taamaasillutalu arlalinnik aningaasarsiorfeqarnissaq tikipparput. Suliffissaaleqisorpassuit ikilisarneqartariaqarput. Piffissaq manna iluatsillugu Demokratini anguniagarput oqaatigeqqittariaqarpara: **sulineq imminut akilersinnaasariaqarpoq**. Tamanna anguniarlugu sulinermut ilanngaat eqqunneqassasoq siunnersuutiginiuuarput.

Suliffittaarnek akilersinnaasariaqarpoq aammali sulerusuttunut suliffissaqartariaqarpoq. Tamanna anguneqarsinnaavoq Kalaallit Nunaanni niuertuunerup pilerinarsarneratigut. Suliffiutitaarnissaq ajornaattuusariaaqarpoq, ingerlatseqatigiiffiit akileraarutaat unammillersinnaasariaqarpoq, pisortat suliffeqarfiutaasa unammillernerat sakkukillisarartariaqarpoq aamma sulisussat ilinniarluarsimasut pigisariaqarpagut.

Inuusuttut 70 %-iisa 35-liitinnatik inuutissarsiutigiligassaminnik ilinniagaqarsimassasut Naalakkersuisut takorloormassuk isumaqatigaagut. Kisianni oqaatigineqanngilaq qaoq iliorluni tamanna anguneqassanersoq.

Ukiorpasuarne oqallisigaarput takornariartitsinerup aamma aatsitassarsiornerup maannakkullu avaleraasaqqortuut landskarsip amingartoorutai matusalissagaat. Kisianni naatsorsuutigisargut piviusorsiorpat?

Takornariat aatsitassarsiornerlu isaatitsissutigilissagutsigit taava silarsuaq takornariartitsinermik suliiallit aatsitassarsiortullu isaannik qiviarsinnaasariaqarparput. Karsimi amingartoorutit qanoq iliorluta matussusissanerlugit isiginagu annermik qissimittariaqarparput suut ujartorneqarnerisut aamma suut neqeroorutigisarnerigut. Immitsinnut aperisariaqarpugut, akilerusunerlugu taamaattunik aatsitassarsiorfeqalernissaq aamma nunanut allanut assersuuttariaqarpugut piumaneqartut tunniussinnaajumallugit.

Uanga nammineq aannermik takornaqartitsineq misilittaqarfigaara. Ukiut tamarluinnaasa ilaasussakka angallatinnut umiarsualivissatut naleqqutinngitsuni ikisarpakka, aamma tamakku



pitsanngorsarneqarneq nutarterneqarnerluunniit ajorput takornariartaassuit tikittartut amerliartoraluartut. Tupigusuutigalugu ernuallungalu takusarpakka illoqarfiup sioraani tikaagulliit aallaasarineqartartut. Aamma tusaajumaneqarneq ajorpunga, takoriarianik aliikkutaralugu aalisartsisalernissaq eqqartuleraangakku, ungasissuemeersummi takornariat akia apeqqutaatinnagu aalisariartalissagaluarput aalisagaqarfinnik eqqissisimatitsisalertuugutta aalisakkat allisarniarlugit.

Immaqa oqartoqassajunnarsigaluarpoq uanga takornariartitsinerup iluani ingerlatakka annikitsuuluit aatsitassarsiormi ingerlatseqatigiiffiit milliartikkaanik kaaviiartitsilersussanut assersuunneqarsinnaanngitsut. Isumaqarpunga assersuunneqarsinnaasut. Pivarami paasisariaqaripput suut tamarmik akeqarmata aammalu allanut ingerlatsisunut unamillertariaqartugut.

Aamma ammasumik eqqarsarluarlutalu aki isummersorfigisariaqarparput, piumasagummi akilertariaqarpagut. Kissaatigutsigut takornariartitsinermi isertitat annertusarniarlugit taava pimooruttariaqarparput. Pilersitsisariaqarpugut takornariat akilertangaannut naapertuuttunik. Aamma eqqarsaatigisariaqarparput qanoq iliorluta takornariaqarneq taavalu aalisartuuneq piniartuunerlu ikorfartoqatigiisissinnaanerlugit, assortuuttutut piunnaarluta.

Aatsitassarsiorneq eqqarsaatigalugu nassuerutigisariaqarparput kisitta aatsitassaateqannginnatta aamma akuerisariaqarparput aatsitassarsiornikkut avatangiisit innarlerneqarsinnaammata taamatullu aamma inuiaqatigiit. Akuttunngitsumik tusartarparput aatsitassarsiorneq allaanngitsoq eqquniaaneq iluanaarutigerujussuarneqassappat makiinnariaasoq. Allatut ajornartumik isummerfigisariaqarparput suut tunniussinnaanerlugit, pissarsissagutta. Annertuumik ujartorneqartunut ilaavoq politikkikkut patajaassuseqarnissaq. Patajaannerup pilersinnissaanut suleqataarusuppugut ilaatigut Inatsisartuni sapinngisamik amerlanerpaat isumaqatigiissuteqartittarlugit. Kisianni piffissaq ungasinnerusoq isigalugu isumaqatigiissuteqartarnerit allallu eqqarsaatigalugit allatut ajornartumik piviusut takusariaqarpaugut asissuinatalu oqallisigalugu susinnaanerluta aamma sussanerluta Kalaallit Nunaat siunissamut aggersumut piareersarumallugu.



Tamanna qularnaarsinnaagutsigu periarfissaqarluarpugut isumaqatigiissusiornissatsinnut qinigaaffik ataaseq sinnerlugu qaqugorsuarmut atasinnaasumik aamma siunissaq tamatta kinguaatsinnut tullernut sanarferusutarput angullugu.